

## Universitätsbibliothek Paderborn

### Mirabilis Vita Venerabilis Virginis Marinæ De Escobar Vallisoletanæ

Deprompta ex ijs, quæ ipsamet jussu Patrum suorum Spiritualium  
consignavit

Vitæ Venerabilis Virginis Marinæ De Escobar. Pars Prima

**Puente, Luis de la**

**Pragæ, 1672**

Caput 26. De alijs stupendis visionibus, concernentibus idem mysterium  
sanctissimi Sacramenti, nec non Divinitatem Christi Domini; & quomodo  
Pater ac Spiritus Sanctus ibidem unà cum ipso existant.

**urn:nbn:de:hbz:466:1-38580**

duxit ad Cœlum , ubi se mihi cum magno lumine manifestavit sanctissima Trinitas , Pater in specie ordinaria , in qua illum soleo videre ; Spiritus sanctus coopertus nube , & Filius D EI eo ipso modo , quo existit in consecrata Hostia , qui est mirabilis , ut fuit dictum : non potui tamen videre modum , quo se ibi constituit ; sicuti , si quis videat valde artificiosum quodpiam opus alicujus fæminæ , & ignoret modum , quo illud fecerit , desideretque ipsum intelligere . Interea vidi Altare aliquantò demissius , ac meos quatuor Angelos ad quatuor angulos , quos agnovi , & Christus Dominus descendit propè ad altare , quo conspecto , præter morem sum mirata , & stupui tam infinitam majestatem , & ma-

gnificentiam . Infudit mihi Dominus magnum lumen , ut agnoscerem in ea representatione hujus excellentissimi Sacramenti , modum , quo perageretur transsubstanzatio , atque sic mihi fuit plurimum satis factum , eò quod viderim non solum opus , sed modum etiam , quo peractum fuit , quem nulla valet lingua explicare . Eram quasi mihi ipsi erecta , eò quod non possem sustinere tantam lucem , dum cognoscerem magnitudinem D EI , & meam vilitatem , quo ad usq; finiretur visio . Tum mei sancti Angeli redierunt cum meo spiritu , meque edocuerunt , se non abivisse , ut emanarent , & me desererent , sed ut pro me præpararent aliquid ex ijs bonis , quibus fruuntur Cœlites .

## C A P V T X X V I .

**D**e alijs stupendis Visionibus , concernentibus idem mysterium Sanctissimi Sacra menti , nec non Divinitatem Christi Domini , & quomodo Pater ac Spiritus Sanctus ibidem unâ cum ipso existant .

**D**E anno in annum D E U S augebat magnitudinem visionum , revelando illi id , quod est gloriosum , & arcanum , de hoc Divino Sacramento , ut ipsa refert hunc in modum ,

### §. I.

**S**equenti anno 1615. dum die Jovis sancto agerem cum D EO , audivi in supremo Cœlo , ubi erat Divina Majestas , cum beatis spiritibus resonantem celestè musicam , & cantum lætitiae , jubili , ac laudis , intermixtis luctuosis lamentationibus : quibus auditis , fui rapta in ecstasim , & reperi me in supremo illo Cœlo , cum meis quinque Angelis . Incepit contemplari illa celestia tabernacula , & admirabilia , quæ mihi in ea celesti Jerofolyma manifestabantur . Subito vidi circa magnam Arcem , & Palatium (in cuius medio erat Ca-

stellum elegantissimum ) ambulantes optimè coordinatos ac dispositos multos Angelos , indutos splendidissimis vestibus , quamvis non absque admixta aliquâ tristitia ac dolore , qui instrumentis musicis , & vocibus suavibus edebant illam celestem musicam . Postquam transivissent quasi infiniti ; vidi venientem aliam maximam multitudinem eminentissimorum spirituum , qui omnes erant induti ueste candidâ instar nivis , & gestabant manibus candelas accensas . In medio illorum procedebat quidam Dominus infinitæ majestatis , quem nunquam videram ; sacra ejus uestes erant adeò mysticæ , & tam significatiæ ipsius magnitudinis , ut nunquam potuerim intelligere , aut advertere , quales fuerint : habebat caput discooperatum , capillum protensum , & compositum , atque in suis sanctissimis manibus portabat juxta suum divinum pectus Hierothecam Eucharisticam , eleganter coopertam , cui imminebat Spiritus sanctus , in specie par-

væ Co-

væ Columbae, speciosissimæ ac Divinæ, & candidæ, instar nivis. Dum quām atten-  
tissimè aspicerem Majestatem tanti Domi-  
ni, cognovi ex illustratione, quam tunc  
habui, esse sacratissimam Personam D EI  
Patris. Hunc Dominum sequebatur infi-  
nitus populus Civium & Palatinorum il-  
lius cœlestis Patriæ, Regum, Imperatorū,  
Principum ac Magnatum, ex diversis sta-  
tibus, qui omnes gestabant sua insignia in  
pestore, conformia virtutibus ac donis,  
quæ acceperant à DEO, viventes vitâ mor-  
tali. Hunc in modum procedebant etiam  
infiniti Beati ex statu Ecclesiastico, & simi-  
liter ex omni hominum conditione. Ex  
feminino sexu erant infinitæ animæ beatæ,  
quibuscum ibat sacratissima Virgo Domi-  
na nostra, quam tota ista multitudo comi-  
tabatur. Taliter pervenerunt ad portam  
illius magni Castelli, ubi omnes substi-  
runt, & que suo ordine collocaverunt, ille  
vero Dominus Majestatis pervenit ad por-  
tam, & ingressus est solus intrò, quasi ad  
unum passum, ibique in quodam theatro,  
seu altari reliquit experimentum Hierothe-  
cæ, quam in suis sacratissimis manibus por-  
tabat, & conversus ad totam illam infini-  
tatem Beatorum Spirituum, qui omnes e-  
rant prostrati, & canebant, atque traçab-  
ant instrumenta musica cum insigni har-  
monia & suavitate, ostendit illis quandam  
imaginem ac representationem sublimi-  
simi Sacramenti Eucharistiae, & ego ex spe-  
ciali illustratione agnovi Christum JE-  
SUM, Dominum nostrum, DE U M ac  
Hominem verum, existentem in Sacra-  
mento, ejusque sacratissimum Corpus, &  
Animam ac Divinitatem, & totam Divi-  
nam virtutem, illius merita, & valorem ac  
preium infinitum ipsius sanguinis, effusum  
pro nostra salute ac remedio, tam mysticæ  
ac eo modo, ut cum illustrata à DEO, ista  
ibi omnia & Magnalia Christi Domini, u-  
nico puro & simplici intuitu perspicere,  
tamen quasi nihil viderem aliud quam so-  
lum mysterium hujus Divini Sacramenti,  
etiam viderim altissimum mysterium Bea-  
tissimæ Trinitatis, & dictum Dominum  
non contractum, neque confusum, sed ad-  
modum distincte, & in eadem magnitudi-

ne, eaque omnipotentiâ præditum, nec  
non majestate, & authoritate, cum qua-  
existit in cœlo, ubi adoratur ad dextram  
sui æterni Patris. Postquam hoc vidi, re-  
sonante illâ Divinâ musicâ, Majestas illius  
Domini, se vertit secundo, junctis suis fa-  
cias manibus, ad omnes illos Beatos Spi-  
ritus, & animas sanctas; dataque omnibus  
suâ benedictione, cum singulari majestate  
& amore, redivit ad suum Regium Castel-  
lum, ego autem fui rapta in magnam ec-  
stasim, cum meis sanctis quinque Angelis,  
& paulo post me reperi in meo angulo.

## §. II.

**A** lijs mihi Christus Dominus osten-  
dit in isto sanctissimo Sacramento  
magnitudinem suæ Divinae Essentie, hoc  
modo: Cùm me præpararem ad commu-  
nicandum, adverti & vidi in intimo meo  
corde præsentem Christum JESUM Do-  
minum nostrum, DE U M & Hominem  
verum, cum longè ardenteribus affecti-  
bus, quam dum sumo Divinam Majes-  
tatem sacramentaliter. Tunc temporis ve-  
nit Sacerdos, ut mihi porrigeret Sacram.  
Eucharistiam, atque suscepimus Domino, vi-  
di illum multò apertius, & clarius, ac di-  
stinctius, & obstupecens, quod viderem.  
Majestatem tanti Domini, tantummodo  
ipsum aspicebam admirabunda, cum a-  
more, & reverentia, nihil illi dicendo. Ille  
quoque me amanter intuebatur, & cum  
magna majestate, atque graviter, & simi-  
liter mihi nihil dicebat. Aliquantò post  
mihi dixit cum exhibitione amoris, & modo  
gravi: Quid vis? visne aliquid? Tum  
eram modicum turbata; siquidem ea ani-  
mum meum subibat cogitatio, quod mihi  
fuerit aliquid pro meo solatio petendum,  
cum me de eo Dominus interrogaret, ide-  
oque respondi celerrime, desiderans nihil  
velle aliud, quam quod vellet DE U S:  
Non Domine, ego nihil volo. Divina Ma-  
jestas vero, ostendens vultum hilarem, &  
gravem, mihi dixit: Adverte bene, utrum  
aliquid velis. Dum audirem id, quod mihi  
eo modo dicebat Dominus, attonita  
ipsum reverenter aspexi, ac dixi: Tu Do-

-90-87

mine novisti meum cor, & intima mea... Tunc Dominus respondit: Modò igitur à me suscipe hanc misericordiam. Et ostendit mihi subito, ac manifestavit pro meo captu, suum Divinum Esse, suam magnitudinem & potentiam infinitam, adeò ut hic mihi fuerit communicata magna cognitio Majestatis JESU Christi Domini nostri, DEI & Hominis veri: atque ità fui repleta solatio, sed & egregiè humiliata, nec non confusa, eò quod susciperem à Divina Majestate tantas misericordias.

## §. III.

**F**eriā quintā Cœna Domini (in Martio anno 1622.) graviter ægrotans, vidi prorsus inopinatè quoddā quasi conclave plenum Angelis elegantissimis, & splendide vestitis, atque intrà illud representatam hostiam ejus magnitudinis, cuius sunt illæ, quas consecrant Sacerdotes, & in ipsa conspexi tres particulas sanguinolentæ carnis, quarum duæ erant majores, una vero minor, sub cæteris. Ibi ex Divina illuminatione cognovi, in singulis illis tribus particulis carnis existere Christum Dominum integrum, & esse tamen unicum. Existebat autem ibidem integer ac distinctus modo admirabili ac Divino, quem equidem nescio explicare: sed in eo, quod erat album in hostia, nihil præter carnem conspexi, verum è regione ipsius vidi mysterium Sanctissimæ Trinitatis, sub quadam spiritualissima ac Divinisima specie, & tres Divinas Personas distinguis, quæ licet sint tres, sunt tamen una Divina Essentia, atq; hoc mihi DEUS clare manifestavit. Ab isto sacro mysterio Sanctissimæ Trinitatis, derivabatur ad eam sacram Hostiam tota virtus & sublimitas illius Divinæ naturæ, modo quodam ineffabili, quod me majore affecit stupore, & rapuit in majorem ecstasim, in qua diu perduravi. Deinde vidi Beatissimam Trinitatem paulatim appropinquantem Hostiæ, quoad usque se tota cum illa conjungeret, ipsique communicaret. Ubi vidi Personam Filij DEI unitam sanctissimo Corpori Christi Domini, eidemque quasi

principalius assistenter, duæ vero Personæ Patris, & Spiritus Sancti, illic etiam erant modo quodam speciali, ac tam admirando, ut ego ipsum nesciam declarare. Erat magna majestas & magnificentia, quam ibi præferebat Christus Dominus. Angeli, qui aderant, cantabant pulchro tono hymnum: *Pange lingua gloriosi, &c.* quamvis ego non attenderim magnopere ad musicam, cum essem tota absorpta in mysterio.

## §. IV.

**A**Liás, in Festo Corporis Christi (in Junio, anni 1618.) agens quadam nocte cum D E O, passa sum ecstasim, intereaq; me reperi in cœlesti Jerosolyma, ubi vidi gloriam, & beatitudinem, quantum mihi illam pro meo captu DEUS voluit comunicare. Post duas horas redij ad me, agensque cum Domino, vidi oculis meæ animæ, quasi illucesceret, ac oriretur quidam Sol mysticus, habens plurimos radios ex purissimo auro, reluentes & claros, qui suis cuspidibus feriebant & incendebant universam Christianitatem; totus rotundus discus istius Solis apparebat instar pretiosæ & purissimæ carnis, mirè coruscantis, instar præstantissimi ac pellucidi rubini, in cuius medio conspexi Majestatem Christi Domini, DEI ac Hominis veri, totam ipsius virtutem, sacrum ejus corpus, animamque sanctissimam, & ejusdem Divinitatem, ac totam Beatissimam Trinitatem, quasi per concomitantiam. Existebat ibi Divinus iste Dominus, sicut existit in Venerabili Sacramento, obvelatus in eo mysterio purissimæ & splendidae carnis: non vidi ullam ibi speciem & figuram humani corporis, verum admirabiliter cœlitus à D E O illuminata, vidi eundem Dominum integrum, & gloriosum, qualiter à me vîlum dixi alias, ad eum modū, quo videretur, neque agnosceretur Persona Regia; ita nimirum, adeoque recte ac dissimulanter absconditum intrâ ejusmodi ornatus, figuræ ac formas quasdam transparentes, ut quamvis ipsum viderem & agnoscerem, meus tamen intellectus non potest assequi vel percipere, qualimodo

do & arte illic existeret Persona Regia, quia dum illam intueretur & cognosceret, ita se occultabat, ut unā existimaret, eam à se non videri. Durante eo spectaculo, vidi infinitos Angelos, cum magna admiratione & reverentia adorantes illud sacrum mysterium, ac Divinam Sapientiam, & Potentiam DEI Domini nostri, qui talia mysteria est operatus pro sua infinita bonitate, & amore, quo amavit hominem. Subito incepunt ex eodem Domino erumpere ac prodire radij Divini splendoris, qui ita se extenderunt, ut cùm pertingerent ad meum pectus & animam, totus hic Dominus eam intimè penetraverit, sive illi impreserit in eadem specie, in qua ipsum extra me videram: atque biduo vel triduo semper ipsum intuebar intrà me taliter existente. Post unam horam adfuit tempus sacræ Communionis, quā peractā, vidi Majestatem Christi Domini intrà meam animam, in illa Hostia consecrata. Non erat ibi constrictus, neque parvus, sed magnus, & in sua statura gloria, non occupando locum, quem videtur alioquin requirere ipsius magna Majestas. Dum simul contemplarer intra me hunc Dominum dictis duobus admirandis modis exi-

stentem, mea anima vehementer affligebatur, ac timebat, & amplectebatur veritatem nostræ Fidei de Divino Sacramento, dicebátque: Hic existit meus DEUS, ipsum ego sumpti sacramentaliter, sicut me docet Fides: & conabar me distrahere, ac avertere oculos à mysterio, quamvis mihi id parùm prodesset. Cùm Dominus animadverteret illum meum timorem, dixit mihi: Marina, magnopere times; verùm ita perge, & esto certa, quòd si taliter timerent animæ, non circumvenirentur illusionibus, ut sit. Post longum deinde tempus mihi dixit Divina Majestas quā amantissimè: Agè Marina, cessent jam tui timores ac turbationes, non enim habes, quod timeas. Dic, quare turberis? ideone, quòd me videoas in tua anima duabus miris modis existentem? Et nōne me vidisti alias extra te ipsam, tuā opinione, etiam duobus admirandis modis, ut dum tibi manifestavi Beatissimam Trinitatem, & vidisti tres Divinas Personas, unaquæ me DEUM ac Hominem verum in mea specie gloria. Cùm ita sit, cur tantopere times? Hoc audito, fui interne pacata, egique ipsi gratias pro tantis misericordijs.

## CAPUT XXVII.

Quomodo viderit Christum Dominum in Sacra Hostia, in varijs admirabilissimis figuris, & quā ratione super omnia astimaverit vivam Fidem hujus Mysterij atque principalem fructum Communionis.



*Lias visiones habuit admirabilissimas, dum se illi Christus Dominus præbuit spectandum in sacra Hostia, varijs in figuris & speciebus, quas propterea assumebat.*

### §. I.

*In primis in Sacrificio Missæ habuit multas visiones, tametsi bene sibi esset praesens quando emis audienda ex precepto, die Festo, adeò ut pro viribus conaretur ad illam*

*attendere, nē penitus à sensibus alienaretur, id, quod illi Dominus concedebat.*

Quodam die Quadragesimæ, inquit, co tempore, quo elevabatur consecrata Hostia, vidi Christum Dominum exhibentem in suo Divino vultu indicia gravis tristitie ac doloris, ita vero vivacissimè demonstrabat magnam afflictionem, quam ipius anima senserat illis diebus proximis sacre ejus Passionis, dum animo revolveret tanta tormenta, quæ tunc erat passurus pronostris peccatis. Et vero erat vultus tam lamentabilis, ut præ commiseratione, ad quam